



**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

20. An, & qualiter Vicarius generalis constituatur ab Episcopo.

[urn:nbn:de:hbz:466:1-74203](https://nbn-resolving.de/urn:nbn:de:hbz:466:1-74203)

Cap. I. De Vicarii nomine, definitione,

teras Apostolicas, quae Officiali inscribuntur, accipiet. Laym. l. c. citans Gl. in cit. Clem. v. principali. & v. foraneo. Sbroz. l. 2. q. 29. Garc. de benef. p. 5. c. 8. n. 36. & 120.

Quæstio 18. Quibus præterea nominibus viciat Vicarius generalis?

Respondeo: Imprimis venit nomine Ordinarii. Rosa loc. cit. num. 21. ubi: Ordinarii nomine pro certo tenendum est, quod venit Episcopu ac ejus Vicarius seu Officialis generalis. Laym. in c. cum in generali. de off. Vicar. in 6. n. 9. Sbroz. l. 1. q. 2. n. 16. Paris. de resign. l. 3. q. 11. num. 22. citans quam plurimos alios. Item intelligi quandoque debet nomine Episcopi & diocesani, ut in casu Trident. Sess. 23. c. 15. ubi de approbatione Confessorum (quam à Vicario etiam fieri posse, probabiliter docet Suaz. Tom. 4. d. 28. sect. 5.) Laym. loc. cit. & in casu Trident. Sess. 25. c. 3. ubi agitur de excommunicatione intentari solita ad inventorium restitutionem faciendam, ita ut licet dicatur: & a solis Episcopis promulganda: et tamen nomine etiam comprehendatur Vicarius, ut docent Sanch. de matrim. l. 3. d. 29. num. 16. Garc. de benef. p. 5. c. 8. num. 95. apud Laym. loc. cit. Item dicitur quandoque Commissarius. Sbroz. l. c. n. 11. citans Pavin. de pot. Capit. Sed. vac. p. 2. q. 10. in princip. Mandos. ad Reg. 14. Cancell. q. 6. num. 10. Item dicitur quandoque Vicedominus. Sbroz. l. c. n. 21. citans Abb. in c. 2. num. 3. ne Pralat. vices suas. Speculator. l. 1. tit. de V. edom. &c. Item locum tenens. Sbroz. loc. cit. num. 19. citans Federic. de Senis. Conf. 302. num. 1. in fine. Covar. l. 4. variar. resolut. c. 20. num. 4. &c. Item procurator Episcopi. Sbroz. l. c. num. 17. citans c. petitio de Procurator. & ibi DD. Gemin. in c. licet. de off. Vicar. in 6. num. 12. Plura alia nomina, quibus veniat Vicarius, vide apud eundem Sbroz. cit. q. 2. ubi etiam num. 23. ait, omnia hæc nomina, Ordinarius, Deputatus, Commisarius, Misius, Dominicus, Visitator & Suffraganus, Substitutus, Procurator Episcopi, Oeconomus, Vicegerens, locum tenens, Vicedominus, dum de vicario Episcopi dicuntur, esse Synonyma juxta Jo. And. Rebuff. Diaz. Pazaron. &c. idemque fusè probat l. 1. q. 7. a. n. 7.

Quæstio 19. Sub nomine generalis Vicarii Episcopi quinam veniant præter Vicarium propriæ ac specialiter talem?

Respondeo: Venit imprimis Capitulum Sede vacante. Sbroz. l. 1. q. 3. num. 14. Tametsi enim illud propriè non dicatur Vicarius Episcopi, sed potius successor Episcopi, eadé inquit cum eo persona. Sbroz. l. 1. q. 15. num. 4. iuxta dicenda à nobis alias, inter Vicarios tamen Episcoporum numerandum est. Sbroz. cit. q. 15. num. 1. Numerantur quoque inter Vicarios Episcoporum eorum Coadjutores, utpote qui in pluribus eorum morbo ac senio impeditorum vices gerunt. Barbos. juris Eccles. l. 1. c. 15. num. 1. juncto. num. 6. Item Episcopi plerumque titulares hodiecum dicti suffraganei ab iis assumpti, ut vices eorum gerant in exercendis pontificibus. Item Archidiaconi, qui à jure constituti, Vicarii nati Episcoporum dicuntur. Sbroz. cit. q. 3. à num. 15. Item Archipresbyteri Civitatenses, qui quoque Vicarii nati Episcoporum dicuntur quod ad spiritualia quedam ministeria, de quibus in tit. de off. Archipresb. Sbroz. cit. q. 3. num. 18. Ac denique sunt Choropiscopi: hi enim olim erant quasi suffraganei & Vicarii simul Episcoporum, quibus scilicet plurima cum Episco-

pis ministeriorum communis erat dispensatio. Barbos. loc. cit. num. 1. ubi, uti & c. 16. per totum corum, quod olim gerebant, munus & diversas species explicat.

PARAGRAPHUS II.

De constitutione, seu creatione Vicarii.

Quæstio 20. An & qualiter Vicarius generalis constituantur ab Episcopo?

Respondeo: Præter ea, quæ dicta sunt, quod Vicarii quidam constituantur à lege, alii ab homine seu hominis facto, & inter hos se Vicarius generalis Episcopi, de quo hic, constituitur seu deputatur hic Vicarius hodiecum ab Episcopo, & quidem solo, sine requisitione consensus aut consilii Capituli. Barbos. cit. c. 15. num. 15. Sbroz. l. 1. q. 54. num. 1. Pirk. ad tit. de offic. Vicar. num. 28. Pax Jord. l. 12. tit. 1. num. 22. Azor. Institut. mor. p. 2. l. 3. c. 6. & c. 43. q. 2. citans Hoftiens. in sum. tit. de off. Vicar. §. in quibus. vers. sed nunguid. Abb. in c. tua nobis. tit. eod. num. 4. Pavin. tr. de pot. cap. sed. vac. p. 2. q. 10. Rebuff. pr. benef. tit. de Vicar. Episc. num. 1. Approbaturque id ipsum confuetudine recepta, quæ in hoc servanda est. Azor. cit. c. 6. Pirk. l. c. Sbroz. l. c. num. 2. citans Bertach. tr. de Episc. p. 7. c. 10. Rebuff. ubi ante. Cuchum. Instit. juris can. iii. 8. de Vicar. Episc. num. 36. l. 2. Bero conf. 23. num. 4. vol. 1. Dixi hodiecum; quia olim necesse erat adhiberi consensum Capituli in creatione Vicarii Episcopi, ut fatus indicat Sbroz. l. 2. q. 55. num. 11. ubi ait: Vicarius Episcopi non fit à solo Episcopo, sed cum consensu & auctoritate Capituli, & sic ab universitate, quæ in Capitulo & Episcopo consistit. Nec dicatur, quod Vicarius Episcopi à solo Episcopo fiat c. 1. cum gl. ne Pralati vices suas & c. 2. de off. Vicar. in 6. quia, ut inquit Bero, per illa jura non excluduntur Capitulum, à quo Vicarius de jure fieri dicitur. Vel responderetur secundum Bero, quod illa jura loquantur de consuetudine, secundum quam hodie Episcopi adversus Capitula omnia jura, quæ ei competebant, usurparunt. Ut dicitur in c. ea noscitur. de his, que fiunt à Pralat. sine consensu capit. Quæ consuetudine, ut per Sbroz. sic stante, hodie Episcopus non dat jurisdictionem Vicario, sed consuetudo, cuius auctoritate hodie solus Episcopus Vicarium facit, & ideo Vicarius olim à Capitulo & Episcopo, & sic ab universitate, & hodie à consuetudine habet jurisdictionem, & sic dicitur habere ordinariam.

Quæstio 21. An tam parvarum quam magnarum urbium & diaecesum Episcopi constituere sibi possint Vicarium generalem?

Respondeo affirmativè: nam præter Vicarios nativos seu nativos Episcopi à canone deputatos (quales sunt Archidiaconi & Archipresbyteri) facultas constituendi Vicarium generalem conceditur simpliciter Episcopo, ut patet ex tit. de off. Vicar. in 6. Pax Jord. l. c. citans Rebuff. in pr. tit. de Vicar. Episc. Scacciam de Judic. l. 1. c. 12. n. 12.

Quæst.

UNIVERSITÄTS-
BIBLIOTHEK
PADERBORN